

DEO OPTIMO MAX.

UNI ET TRINO.

VIRGINI DEI-PARÆ, ET S. LUCEÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
manè discutienda in Scholis Medicorum, die Jovis duodecimâ
mensis Novembris, Anno Domini M. DCC. LXI.

M. PETRO ARCELIN, Doctore Medico, Præside.

An Epilepsia rara Venæ Sæc. 1^o?

I.



PILEPSIA varias subit denominationes: modò *morbus caducus*, modò *cornialis* (a); nunc *lunaticus* (b), nunc *soniticus* (c); hic *sacer*, illic *berculeus*; à quibusdam *morbus major* (d), ab aliis *puerilis*, nuncupatur. Quoad speciem, *perfecta*, vel *imperfecta*, *idiopathica*, vel *sympathica*, *hereditaria*, vel *congenita*, & *adventitia*, nomine indigitatur. Num semel, vel pluries redeunt *Paroxysmi*? Statis recurrunt-ne intervallis, vel non? Cautè atten-

das, ne *insultus Epilepticos* ferè semper *acutos*, cum Epilepsiâ *intermittente ac chronica*, *Paroxysmos periodicos*, cum *erraticis*, confundas. Caveas ne pro *Catalepsi*, *Apoplexiâ*, *Paralyti*, &c. sumatur Epilepsia, Percusso quasi fulmine epileptico, lubita malorum ilias sobolefcit. Horrenda catervatim symptomata se produnt, Silent enim sensus tùm externi, tùm interni; motu involuntario vicibus concutiantur reciproci, quidam vel omnes musculi: hinc visu horrendum! *Spasmi*, illinc *Tetani* singulares Paroxysmum concomitantes; hic *Emprosthotoni*, illic *Opisthotoni*: ex ore *spuma* movetur (e): aliquandò convellitur *maxilla inferior*; quandòque *palpebre*. Quid nunc mirum, Epilepsiam tam sævis, tamque variis symptomatibus stipatam, *Diis*, *Demonibus*, *incantamentis* (f), adscriptam sæpè fuisse? Reapse quid causâ detegendâ magis arduum? Quid fabricâ Encephali intricatius? Quis tanti visceris rectè caller usus? *Diathepsi* (g) Epilepsiæ *idiopathica proegumenica* in sensorio communi hæret: latet recondita, donec principium reddatur *actuosum*: in alijs tardius; in alteris celerius. Sæpè dormit iners semen morbosum in *genitore*, dum ex ovo *derivatur in nepotem* (i). Genuinam (ex tot & tantis) quantum in te erit, detegas causam. Locus affectus non te lateat. An vitium debile, nec-ne, tunc dijudicabis. *Prognosis* certior; *felicior therapia* tibi inerat. Ut variae sunt causæ, sic varia curandi methodus; quantò numerosiores illæ, tautò hæc difficilior. Dùm innumeris locupletatur Medicina remediis; Quot arcana tamen, quot specifica jactat unusquisque! sed sæpè in cassum. Falsum pro vero captat; sic fallendo fallitur. *Cortex peruvianus* alijs, alteris *Opium* arridet; quidam *Oleum Dippellii*, alii *Ungulas Alcis* extollunt: multi *Emetica*, *Cathartico-Emetica*

(a) Q. Seren. Sæmmon. p. 161.

(b) De causis & signis motor. diuturn. lib. 1. c. 14. p. 28.

(c) Aul. Gell. noct. Attic. lib. xx. c. 1.

(d) Celsus, lib. III. cap. XXIII. p. 172.

(e) Celsus, de Medicin. lib. III. cap. XXIII. p. 172.

(f) Boerhaav. Aphor. §. 1072.

(g) Fawstic. Com. p. 402. Lin. 11. §. 1074. Tom. 211.

(h) Ibid.

(i) Boerhaav. Aphor. §. 1071.

prædicant : ferè omnes ad *venæ sectionem*, ut ad *sacram anchoram* confugiunt. At dubites ? Non enim sæpè celebranda hæc operatio, si plerùmque inutilis evadat, rariòque expers sit periculi.

I I.

UT diversæ causæ, sic sedes diversæ, item immanes miris modis pullulant effectus : si fileant sensus, dum convelluntur muscoli, en signum *pathognomonicum*. Patet exinde causam *proximam esse nimiam cerebri in nervos motorios, nullam in sentientes actionem* (a). In Encephalo hærere sensuum & motuum primam originem in Physiologicis (b) demonstratur. In quibus verò Encephali locis, hoc nondum (c) evincitur. Observationes practicæ varias inesse sedes, sat abundè arguunt. Quandòque enim aboletur motus, superstitè sensu : quandòque perit sensus, motu manente incolumi. Quidquid ergò hic effluxum fluidi nervei interceptet, illic motu augebit accelerato, aniam Epilepsiæ dabit. Et si nota cunctis causarum in *proximas & remotas*, divitio : quàm vastum hæc doctrina theoriæ praxique campum aperit ! Iners siepè latet causa *prædisponens* ; à causis *procatarctiis* expergesceta, strages edit. Triplex Epilepsiæ (d) species ; hanc arguit diversitas loci : in cerebro nempe, circa (e) *ventriculum* ; vel in aliâ corporis parte. Cerebrum immediatè adoriuntur ne causæ ? Uti exostoses, concretiones skirrosæ, polyposæ, glandula pituitaria tumefacta *, depressiones cranii, anevrismata, varices, spicula, humores nimium, ventriculos irrorantes, ibique stagnantes, vermes in duræ matris processibus nidulantes, argentum vivum, gummata venerea, nimia moles, mollities ve cerebri, &c. tot sunt causæ ad Epilepsiam exquisitè prædisponentes ; quas in actum excitant sequentes : harum plurimas parit ventriculus, ut vermes, saburras in primis viis hospitantes ; cæteræ ex aliis corporis partibus scaturiunt, ut sanguis spissus, crudus, plethora, calor, motus, animi pathemata, venus, passio hysterica, dentitio, venena, retenta, variolæ, materies ulcerosa per *metastasin* deposita, materia arthritica, affectus, *aura frigida*, dictus, ex inferioribus ad cerebrum recurrens. In Encephalo resistet ne organica labe ? Potest sublevari, non eradicari. Remotas sedulo effuge causas. Improvisis auxiliis, sopitam ne commoveas diathesim. Si mittas sanguinem, raro effundas, ne nimium effusus inutilis evadat, quin imò noceat, si exinde citius recurrant quandòque Paroxysmi, ægrotantisque res in pejus ruant.

I I I.

COGNITIS causis, Epilepsiæ determinatâ specie, quæ Paroxysmos præcedunt, comitantur, subsequuntur, patefcent. Prodromos præsertim pensites : causæ sedem prænuntiant. Duo sunt tempora per periodos recurrentia. In uno vita manet intacta, in altero minimè. An remedia cessante vel vigente Paroxysmo celebranda ? Et quænam ? Certus es ne de vitio hæreditario, congenito, de malâ cerebri conformatione ? Quid ages ? Ferè nihil. Causas semen morbosum quiescens, expergescipientes, quantum in te erit, amove. Quibus armis ? Num in primis viis hospitur saburra, an vermes nidulantur ? Remediis propriis eneca, elimina. Si assuetæ adsint causæ, uti venus, crapula, inedia, vividæ animi affectiones, meditatio profunda, &c. fortiter oppugna. Cui inserviret venæ sectio ? Vitium indelebile idiopathicum emendaret ne ? An saburram in ventriculo, intestinis ve stagnantem emendarer ? Num vermes enecaret ? Aliis procatarctiis obstiteteret ne causis ? Istibus, contusionibus percussum ne fuit cranium ? Num intropremitur ? Mala detegas. Instrumenta, uti terebram, volsellas, forfices, vectem auxilio advoces. Cui hic usus phlebotomus ? Luxuriantes irrepunt ne humores ? Loca inassueta perluit ne cruor ? Exitum, quan um in te, præbe commodum. Cur illic venam fecares ? Si insultu Epileptico laborent pueri, victus, aëris mutatio sæpè sola sufficiunt. Sic Hippocrates inquit (a), *quibus comitialis affectus ante pubertatem oboritur, de-*

(a) Boerhaav. Aphor. §. 1076.

(b) Boerhaav. Instit. Medic. §. 284.

(c) Vanfwiet. Comm. pag. 455. Lin. 2 §. 1086. Tom. 111.

(d) De Loc. affect. lib. 3. c. xi. Charac. Ibid. p. 441.

(e) Vanfwiet. Comm. pag. 410. Lin. vi. §. 1075. Tom. 111.

(a) Aphor. Sect. 5. n. 7. Char. c. 10. 32. part. II. pag. 197.

* Sic reperta fuit in cadavere unius Narbonensis Archiepiscopi. An causa Epilepsiæ & an effectus ?

cessum fortuntur; quibus verò quintum & vigesimum annum agentibus oboriuntur, iis plerumque commoriantur. Ut à teneritudine, nimiaque Encephali mole pender ista labes, ætatis sæpè augmento emendatur. Si terror aniam dederit; curatu difficilior: ad roborantia, stomachica, antispasmodica confugiendum. Si doleant dentibus ex alveolo ægrè emergentibus; ne convellantur, tenam scinde gingivam. Ad hæc quadrat-ne phlebotomia? Si à nervis pendeat comitialis affectus, sola antispasmodica præcipue olea animalia in usum veniant. Humores quâdam acedine vitati, remediis paretoticis, demulcentibus, leniter evacuantibus, mutantur, extrudantur. Quorsum hic venæ sectio? Si nimia spissitudine præpolleat sanguis, inspissantes debellantur causæ; dilutior aquosis, aperientibus è regno minerali desumptis, reddatur fluidior. Quæ excernenda num retinentur? Sola Epispastica, evacuantia sola competunt, modò per loca assueta excernantur. Si è crure * quali fornicando ascendat aura frigida; sola sæpè cohibet ligatura (b). Non-ne supervacanea venæ sectio? An noceat, nunc perpendendum.

I V.

SANGUINIS missionem non requiri, descriptarum supra causarum evincit syndrome; nocere, si nimium huic indulgeas, plurimi testantur Auctores. Lis adhuc sub Iudice foret, nî observationes nobis faverent clinicæ. Nostræ enim affectionis veritatem experientia probat, ut & ratio fulcit. Mulier trigessimum circiter annum agens, Epilepsiâ laborabat adventitiâ. Incipiente morbo, rariores recurrerant Paroxysmi. Cura tanti mali commissâ Chirurgo. Quoties ad ægotantem accedebat, toties vena secabatur; & quò frequentiores insultus, eò frequentior sectio. Chirurgi tandem; semet-ipsius pertæsa, suisque molesta, propter inopiam, è Provinciâ in Parisiense Nosocomium generale desertur. Ibî suæ sorti relicta, brevi sic remisere Paroxysmi, ut sanam se autumaret ægra. Elapso biennio, patriam petit. Reditæ Paroxysmi redeunt; repetuntur venæ sectiones, magisque ac magis ingravescente morbo, tandem in convulsionibus vitam cum sanguine effundit. Ex nimia igitur sanguinis detractione convulsivos sæpè exoriri motus, manifestum est. Animalibus insuper dum jugulantur, idem demonstratur. Morbi causam repetitis venæ sectionibus revellere ne confidas ergò. Hæc enim magis insigitur; ita ut vel jam aboleri nequeat, vel minimâ etiam occasione datâ ad resurgendum promptior evadat. Quin-imò debilitatur cerebrum, pervertuntur digestiones, quibus læsis tot Epilepsiæ species scaturiunt. Sanguis ipse-met, cæterique humores spiritibus orbati, lentiores solitas percurrunt vias, meandros cerebri difficilè permeant, torpent inertes, in causam hærentem, minùsque expugnabilem non ampliùs arriant. Sic depresso sensim Encephalo, liquidis tardiùs manantibus, quid mirum, si Epilepsia faviores agat tragedias; si diutiùs perseverent Paroxysmi, graviùsque redeant & celerius!

V.

AST inquit: causa Epilepsiæ plerumque primitiva habetur pléthora. In venæ sectione sola reperitur medela. Hæc parùm militat. Non lateat quam sit pléthoræ species, an vera, an spuria, an ab humore malâ diathesi peccante, nimiumque luxuriant; an ut causa prædisponens, vel ut occasionalis haberi valeat. Antè Paroxysmum redundare sanguinem, evincunt-ne signa? Libenter, detrahe. Sed quàm rara se offert occasio! Cæterùm, adsit pléthora. Dat-ne aniam Epilepsiæ, ut causa remota? Pro momento evanescit venæ sectione, sed brevi resurget. Si pro instanti sublevertur Epilepticus, brevi longior, crudelior faviet Paroxysmus. Experientiâ constat quotidianâ obestatem fieri adhuc nimiam, si eam repetitis venæ sectionibus, præcavere tentes. Sic non minuitur pléthora, sed minuuntur vires: tunc debilitato vasorum oscillatorio motu, irrepunt quaquaversis humores; minùs quantiuntur, promiscuè confunduntur; stagnant; Secretiones turbantur; li quores coinquinantur: undè malorum præsertim chronicorum

* Mito modo debellatum fuit hoc vitium. Medicus in crus scalpellum adegit; in fundo vulnecis invenit corpus durum; à musculis se paravit; dissecit nervum, cui infidebat illud; eduxit: mox libera evasit ægra (c).

(b) Medical essays. tom. 17. p. xxviii. pag. 416.

(c) Videlicet citatum

4

origo. Adest-ne plethora immediata Epilepsiæ causa? Quod conceptu haud facile. Non-ne potius produceretur apoplexia? Uti plethora generalis, æqualiter comprimeret cerebrum: quis enim hic nimiam, illic nullam determinaret actionem? Si semel Paroxysmum excitaret, tunc insultus Epileptici, non Epilepsiæ, nomen veniret. Nothâ laborant-ne Epileptici plethorâ? Quod rarò evenit, nisi vigente Paroxismo; tunc ne sæpius aperias venam, licet quasi laqueo strangulati se prodant miseri. Motus autumans compescere spasmodicos; ipsamet convulsiones, apoplexiam time: *Vitando Charybdem; ne incidat in Scyllam*. Perversa humorum diathesis, horumque nimia quantitas, est ferè unica Epilepticorum (si ita loqui fas est) plethora, *Cacoëchia* titulo, recensenda. Procul hinc igitur frequentioris in Epilepsiâ phlebotomiæ lectatores; cum hæc plerumque inutilis sit, ac ferè semper noceat.

Ergo Epilepsiæ rara Vena Sectio.

DOMINI DOCTORES DISPUTATURI.

M. Henricus-Michaël Missa, militarium Nosocomiorum ad Regis exercitum Medicus.

M. Joannes-Baptista Hané:

M. Joannes-Nicolaus Millin de la Courveault.

M. Henricus-Jacobus Macquart, Bibliotheca Facultatis Prefectus.

M. Theophilus de Borden, Eques, Nosocomii Regis & Militaris Baregiensis Medicus designatus.

M. Petrus-Abrahamus Pajon de Monceus, Eques, Societatis literariæ Catalauniensis Socius.

M. Benjamin-Ludovicus Lucas de Laurembert.

M. Leander Peager, Consiliarius Medicus Regis ordinarius in ejus Castellato.

M. Ludovicus - Alexander Vieillard.

Proponebat Parisiis **LUDOVICUS-GILBERTUS BOYROT DE JONCHERES**, Bituricensis, Doctor Medicus Monspelienfis, Saluberrimæ Facultatis Medicinæ Parisiensis Baccalaureus, Theos Auctor. A. R. S. H. 1761.

A SEXTA AD MERIDIEM,